

蜀月巴山：詩歌集

李林杰

(四川大學政治系博士生)

一、五律

觀江

旌望東南地，天涯月落西。林崗風不止，白雪作塵泥。
三地雲行客，兩鄉候鳥棲。身平皆歷歷，煙冷素光低。

記錦城

餘下三分月，七分可乘風。懸來錦裏處，典作杜詞中。
相謝人間好，何須水向東。山重當有路，柳暗會相逢。

詠花

隨風踐塵徑，任水葬花香。甘為純摯種，毋寧是此鄉。
從來開敗客，留去鴻遊郎。守望闌珊處，寒月滿庭霜。

望月

天上玉如意，人間缺壁懸。梅花吹徹雪，霞浦落青山。
殘悴星驚去，倉惶月不全。桂宮或有路，青鳥亦難銜。

采桑子

暮色采桑客，何田蓮藕渟。東邊泊晚去，回首三篙橫。
故夢焉能就，新猷安作聞。扁舟一葉子，隨浪豈由人？

素心

葉落知風信，辭離任此心。遙懸江上月，別倚皎光清。
忽逝白駒客，鏡花日月卿。齊紈新裂素，霜雪豈無傾？

塔留

一傘過江南，素衣入蜀山。鶯啼寶塔處，不忍是秋蓮。

命裏身為客，豈言月似弦？哪知遼水上，應有孤帆懸。

望雁

燕地銜雲雁，衡陽北顧心。跡留一萬裏，風雨兩成襟。
過往徐徐客，來時熠熠暉。寧為悲鴻友，莫依震澤林。

鄉記

鶯啼草長處，春水數峰青。杏下逢人語，花開故地心。
遲歸遊子意，勿念月中明。蜀地三千路，誰來報此音？

月下

杯對唐人月，影遺蜀地樓。千山逢此玉，何似雪襲頭。
懷遠登高處，圓成此刻愁。可憐玦裏骨，一望嶙峋留。

行路中

流水春臨也，雁過豈可逢。雲中痕不見，深雨晚來風。
四季遠行客，悲秋自樸真。煙霞出入裏，虧欠月明中。

采桑子

暮色采桑客，何田蓮藕渾。東邊泊晚去，回首三篙橫。
故夢焉能就，新猷安作聞。扁舟一葉子，隨浪豈由人？

望月

天上玉如意，人間缺壁懸。梅花吹徹雪，霞浦落青山。
殘悴星驚去，倉惶月不全。桂宮或有路，青鳥亦難銜。

中元夜

望月中元夜，寒鴉繞木飛。風來催去客，星逝心安歸。
又綠春風柳，難紅二度梅。不期能普度，但願有慈悲。

風來

波瀾入眼事，數浪心潮來。裁玉萬千客，回霜徒惹苔。
梨花吹徹雨，新月依稀開。可歎風箏誤，金釵雪裏埋。

月夜

梧桐秋鎖雨，庭院月盈門。落地相思葉，蔓延成怨嗔。
沈癡尋此夢，筆墨為何人。秋草贈青事，飛紅堪作聞？

洞庭懷秋

乾坤襟望遠，泛海千帆浮。目斷東南側，碧波連楚吳。
一生擺渡去，臨岸卻孤獨。試問青山處，海棠花放無？

臨江

莞爾紅菡萏，郎船花底離。蘭舟計向遠，雁字作回時。
此去闌珊處，羅裳雲鬢低。江流雖易逝，白髮逐青絲。

二、七律

秋記

梧桐一葉知秋意，引卻寒霜入碧霄。此夜絮飛花落盡，凝眸星月竟如刀。

暮春記

庭院牡丹憑卻客，城門深雨寂寥州。春風易綠當年樹，明月逢如玉滿頭。
蒼梧難之雲可替，太行不濟雪為留。白衣何是良人筆？夢裏人間蚱蜢舟。

西林寺

明臺集義無多益，佛面誰憐淚盡時。可歎菩提牆似錦，空中字字豈無執？
安得世上從心法，唯有如來是此持。不過南國一道雪，雲中雁寄兩箋癡。

悲秋

南國北望難尋雁，夏暮冬來花作痕。萬裏悲時不必客，無非所見枉凝真。
周旋反索成心跡，見日撥雲空有分。訪遍秋風蕭瑟過，夕陽原是少陵人。

登高

綠徑從階作霞觀，雲遮霧隱鳥飛還。離別總易揚州客，聚散唯留亭敬山。
萬裏同雲風過處，十年入夢水流間。悲秋常作登高事，莫比杜郎潦倒篇。

立秋

似吻闌幹秋贈雨，洗如碧落映山青。寒商兩處三分相，知見同懷唯我心。
易醒難得為好夢，風清雲淡月獨明。青天借問長幾許？孤影自憐是浮萍。

夜觀

雁留霜跡玉玦逢，江上漁火對晚楓。明月可圓終少恨，可惜人世水長東。
閒人但少為蘇子，無限江山作落紅。起爾千般如色相，看花雪裏霧雲中。

寺下

半壁朱門山對遠，冷香般若照雲真。禪心一葉扁舟子，度盡娑婆夢裏人。
嚮往凝眸何自認？佛前花落撚成塵。金剛怒目重重計，菩薩低眉款款深。

四月廿二望鄉記

覺夢烏啼雲路遠，徒增曉鏡凝霜寒。南國草木成殊異，渡客深悲是衣冠。
江左淮月王謝故，巴東夜雨秋池酣。豔陽高掛觀花意，飲雪秋江獨釣帆。

端午節記嘉陵江

江河人道不二渡，花落相離難再春。兩岸濤聲已作古，唯留明月寄雲深。
白駒過隙應如是，逝者如斯寧化塵。幾度青山依舊在，橫流可歎是蒼生。

雨後觀高

夜照四周明月濟，水天成鏡似江流。難逢萍水他鄉客，易渡關山失路鷗。
夢境重尋何處覓，從來多病可登樓。何需遙寄音書遠，星逝雲飛無岸舟。

戎州記

分流諸水戎州峙，難到飛鴻複更催。身立睥睨天地相，坐觀雲起幾度暉。
江湖泛海城關渡，月照花林落日隨。婉轉春流繞芳甸，青山滿目不可追。

黃鶴樓

高樓霜吻重廊暗，壁刻崔愁折李白。赤壁猶鄰銅雀夢，黃鶴不見芳草埋。
瀟瀟落葉如斯逝，颯颯秋寒眼底來。無盡雲深抬首望，少時竟以星能摘。

三、詞曲

一剪梅·春風

夜盡長安何處逢？
巴蜀聽松，吳楚驚風。
客身夢我兩相傾，仍見春風，枯樹花生。
葉吻灘江漣影重。
別也離情，去亦比興。
命微三尺一帆承，江海朝暉，安寄餘生。

一剪梅·夜記

風過枝頭枉作思。
婉轉花枝，織作瓊衣。
仿佛何處素香辭。月亦成癡，人亦成癡。
可歎飄零難入詞。
掠影浮光，香去疊衣。
夢中一客吾如斯。不過相知，大底相知。

如夢令·月

中庭一方楚月，不止陰晴圓缺。
遙望願何處？都作凝香飄曳。
懷否，懷否，寧有此中霜雪。

山坡羊

大江東去，橫峰西聚。
萍浮萬裏瀟湘路。
雁無尋，客躊躇。可憐一輩殘陽暮。
隔世經年都作了古。
得，心靜處；失，心靜處。

念奴嬌·錦江記

南國蜀地，春不度此景，誰人相許。滿地飛蓬，曾記否，多少登樓北駐。
一水三環，連波千載，唯見傷懷處。往來何事，跡斯悲喜南路。
蹊熾明暗重逢，別時難再也，柳郎曾訴。一葦橫江，猜不到，上下焉由自主？
吐月空懷，缺圓豈映我，在江流處。歲華雖好，夢中還是難顧。

如夢令·風

山水相逢不過，天地雪行婆娑。飛絮凝望前庭，風起雲中日沒。
爭去，爭去，換一眼花開落。

行香子·月下

天與秋光，今月成銀。更留記，久往相明。對東風晚，是昨非今。只舍中得，鏡中取，夢中
傾。
何妨至老，意遊空靈。望南山，雲黯波清。寧為菊友，休作嚴陵。但峰難往，水難傍，意難
平。

如夢令·山

白鷺空山行跡，樵野失聲秋色。松壑卻煙波，天上應為留客。
花落，花落。撲作風中有我。

菩薩蠻·錦江樓

鄉關日暮芳草舊，相逢萍水皆同朽。一眼何必曰籌，煙波江上樓。
重閣茶對晚，花取寄迦南。風雪夜多秋，人間不可留。

漁家傲·江左

祈願長眠杏花釀，聽江綠碧波紋漲，只恐夜深花睡向。無隔障，滿簾幽夢長惆悵。
重願採擷霞影上，海棠未雨驚花放，清夢一枕星河浪。取月象，流光此夜相輝往。

西江月·風過

風過斑斑驚鵲，海棠一夜孰多？取折堪作無情物，卻道陳年春色。
入夢譬如花落，隔世翻作江河。幾番誰與秋光客，可慰月明蕭瑟。

定風波·麓山寺

多少登樓菩薩蠻，奈何無計與佛觀。
滴進浮塵覺悟晚，何必，蘆花深處見雲帆。
畢竟花開誰作散，不易，相安兩忘敬亭山，同夢邯鄲如是看。
行去，見了涼月照心安。

南鄉子·中秋月

蜀月流光。銀河碧落是良鄉。把酒古來成一晌。無量。悲喜離合盡此望。

臨江仙．雨過蓉城深暮色

雨過蓉城深暮色，尋香仿佛三更。斑斕葉染了無痕。此身有所憾，無采牡丹真。
何必秋霜訪瑟瑟，罡風會報斯身。覓得雪裏素梅魂。南柯為夢好，草木總一春。

臨江仙．歸雁向衡陽地

歸雁向衡陽地，殘陽血色飛鴻。落霞孤鶩總飄蓬。遠行霜作跡，雲淡暮天紅。
黃鶴崔君遺恨，水流韋子愁濃。悲來興盡月亦朧。圓缺無情事，思緒五更風。

虞美人．匆匆又度冬霜早

匆匆又度冬霜早，秋月春花少。小樓舊燕應相識，鬥轉星移人事豈如斯？
花前解語虔誠慰，船至巫山悔。缺月常照水長東，不過夜來寒雨曉來風。

蔔算子

煙波水橫陳，驟雨初歇翠。南北東西雁作棲，衣冠都無憶。
曉靜人不語，唯有花滿地。去歲樓臺今歲景，誰作東流去？

如夢令

九萬裏凌霄愁，無盡詭譎雲湧。塵盡莫回頭，蕭瑟斑斑寧有。歸去，歸去，怎作晚來如舊。
雲杳處成重樓，寒月依稀殘陋。卻少是閒人，琉璃回霜惹袖。知我，知我，何必宣之於口。

蔔算子

夏月映平風，如皎星河近。誰見秋霜來複去？只記驚鴻影。
掠影是花姿，有恨無由起。且看東風報春帝，何必沙洲冷。

南鄉子

日日妝梳，柳郎錦書幾度？明月當天憑愁語，期許。作罷風急逢雨疏。
夜夜霜白，江萍何日君采？燕子泥融飛院外，猶在。度與春風不忍裁。